

17454 I

Mag. St. Dr



Lipski Domes
Archiepisc. Gnesen.

Boruski Gregorii: Elogium Illm^o et Rmo
D. D. Joanni a Lipsia Lipski, Archiep.
Gnesen.

PANEG. et VITAE

Polon.

№. 464.



ELOGIVM

ILLVSTRISSIMO



REVERENDISS: DOMINO,

DOMINO IOANNI

A L I P I E

L I P S K I,

Dei & Apostolica Sedis gratia

ARCHIEPISCOPO GNESNENSI,
LEGATO NATO, REGNI POLONIÆ
PRIMATI, & PRIMO PRINCIPI,

Ad Primum & Celebrem

In suam Archiepiscopalem Sedem ingressum.

Domino & Macenati Amplissimo, honoris & debita observantia ergo,

A

M. GREGORIŌ BORVSKI Art: & Philos: Doctore.
ac Professore in Academia Crac.

D I C A T V M.

CRACOVIAE,

In Officina Andrea Petricouij S. R. M. Typogr.

Anno Domini M. DC. XXX IX.



*In Soleâ Lipski rutilant duo cum Cruce tela:
 Vtilis hic calis, & Patriæ.
 Nam Cruce, Cocyti crudelia monstra repellit,
 Consilio, Patriam fulcit, & auxilio.*

ELOGIVM.



Qvod precati sumus à Deo Optimo Maximo, ardentissimis votis, Illustriss: ac Reuerendiss: ARCHIPRÆSVL, vt dolorem in mentibus nostris quotidie recrudescētem, post obitum æternâ memoriâ dignissimi Pastoris, Prudentissimi Senatoris, IOANNIS WEZYK, olim prædecessoris Tui, leniremus; vt Archidiæcelis destituta suo præside patrocinium, ciuitates & oppida suo clementissimo Domino orbatâ, amissam dignitatem recuperarent: Id profecto die auspicato, omnes sese consecutos cum magnâ voluptate animi cognoscunt: cum ad Te Pastorem, non sine publicâ fortunâ diuinitus datum, communis boni parentem, omni genere virtutum conspicuum, Senatorem amplissimum, Primatem Regni Illustrissimum; cum maxima alacritate excipiendum, salutandum, cum effusâ omnis generis multitudine prodeūt. Præmium tuis meritis, & virtuti debitū ex cœlesti ordinatione oblatum, gratulantur vniuersi. Nefas & inconueniens esse in publica gratulatione, & communi lætitiâ vocem gratulationis, & affectum lætitiæ, licet incondito sermone, non edere, cum me hinc corona nobilium Tibi congratulantium excelsum honorē vrgeat, illinc venerabilis Sacerdotum cætus ex præclara accessione dignitatis, voluptas commoueat, isthinc Tui generis splendor non mediocriter excitet, tum eximia spes fauoris ex omnibus partibus inflamat. Nemo enim tibi non poterit gratulari, etiamsi perspectam habeat

fui ingenij tenuitatem, cum pro tantis laboribus & meritis
tuis, amplissimum laborum tuorum accipis fructum, non
solum omnium Senatorum expressis suffragijs, Sacerdotum
pijs precibus, Ciuium communibus votis: sed etiam totius
Regni Procerum apertis documentis. Nam & anteacta Tua
promerita, quæ in oculis omnium versantur, & quotidianis
sermonibus celebrantur iustum applausum extorquent, vt ea
obliuioni mandare, vel ingratorum, vel insanientium ho-
minum sit argumentum. Ab omni humanitate alienus dice-
retur, qui in Te erga Patriam Tuam Candorem non extulisset
laudum præconio. Iudicaretur ingratus & impius qui
non prosequeretur beneuolentiâ Tuam pietatem, & zelum,
in cultu Diuino promouendo, augendo, ornando: consilij
expers & rationis inops haberetur qui fidem, curam & vigi-
lantiam, quam impense præstitisti publico patriæ bono, non
ornaret elogijs. Magna semper & laudabilia Tuæ præclaræ
virtutis, non tantum ad publicam gloriam, & existimationem
populi, sed ad ædificationem & exemplum multorum
erigebantur monumenta. Ferebaris pleno gradu ad Eccle-
siæ bonum propagandum, vt tantò gloriosior fores, apud
consequentem posteritatem, quanto ampliorem & lucu-
lentiorem, de Diuino cultu quàm optimè merendi, nancisce-
baris opportunitatem. Ista mihi vniuersa faciliorem adi-
tum ad Tuam Celsitudinem, non dubia fide pollicentur: cum
ex Tua affabilitate in omnes, & benignitate, deueniam in
hanc spem & fiduciam, quod gratulationem meam, non
studio potius Tui cultûs, & debitæ obedientiæ, quàm ex
Tuis Nitoribus metiri debeas. Quapropter in hac vniuer-
forum

forum ordinum iucunda gratulatione, populi applausu, quæ-
so obtestorq; te Illustriss: ARCHIPRÆSVL, vt Patronus
cū cliēte, Dominus cum seruo, Mæcenas cum alumno, Tua
egregia facinora mecum velis recognoscere: obscura esset
hæc Vrbs, sedes vbi fixa patriæ meæ, quæ me genuit, fouit,
& primis lineamentis instruxit hilariter, si Tu ARCHIPRÆ-
SVL Reuerendiss: rerum Tuarum memorandarum venires
in obliuionem. Ac in primis vt Illustris Tua virtus ex præ-
clarissima omnium existimatione acciperet incrementa,
cum ex maiorum esset splendore profecta, non quærebat ex
fumosis imaginibus, non authoritatem ex fortunæ commen-
datione, contenta heroica sanguinis inclyti propagatione.
Prospiciebat & consulebat laudi tuæ statim, ne tuam æta-
tem pulcherrimam, vestigijs ad egregia facinora delineatā,
ad inanes otiosorum hominum occupationes aliquod ma-
lum inflecteret: sed ad omnem constantiam, fortitudinem
tam in rebus aduersis, quàm in prosperis, ad magnitudinem
animi; non ad vllas mollioris vitæ illecebras, sed ad rigidum
laborem; non ad inescatas multis malis voluptates, sed ad
tolerantiam & grauitatem retinendam Te informabat. Ta-
lia pueritiæ tuæ fuerunt specimina probitatis, vbi exterarum na-
tiones, Italiam fontem sapientiæ, & quasi Emporium o-
mnis eruditionis adiisti: nihil in mente sapius habebas &
meditaberis, nisi vt celebritate ingenij & iudicij maturitate
ante ætatem floreres, & alios maiori progressu sapientiæ an-
teires. Et dum pleriq; rebus ludicris, vt ætas iuuenilis incitat,
sefe oblectarent, annos varijs occupationibus suos consume-
rent, quibus nulla felicitas subsistit: Tu in ijs quæ fututū Sena-
torem

torē prudentissimū decebat, & quæ Ecclesiæ præsidem, pietate grauē, moribus conspicuū, vitæ inculpatæ sanctimoniā præclarū efficerent, in conspectu omnium inuigilabas: ita omnes neruos ætatis tuæ eo cōferebas, vt Deū tuæ adolescētiae & Tuorum factorum testem & arbitrum te habere meminisses. Sed non exinde laudem meruisti, quod exterarum nationes peragraueris, illarum mores & instituta legum cognoueris, urbium munitiones, locorum amœnitates perspexeris, cum sit populare his temporibus vnicuiq; & vulgare etiam infimæ sortis hominibus: sed quia hoc maximè intendebas, vt otium, sentinam malorum, & alia oblectamentorum inuitamenta effugeres, & grauitatem cunctis amabilem, experientiam rerū magistrā, cum thesauro sapiētiae, in ætate iuuenili comparares. Vt tantis dotibus ornatus redeundo ab illis regionibus, ceu Sol, Hemispherium Patriæ nostræ illustrares & irradiares. Cognouit Patria, non suas frustratas spes; non expectationes amici & propinqui elusas suas senserunt. Nam multas scientias, ingenio perspicacissimo, memoriā fidelissimā, diligentiam, sedulitatem & ipsa conuersatione cum viris probis eruditis habitā, apprehēdisti. Ex quibus eloquentiam tanquam Reginam scientiarum hausisti, eam ad bonum Ecclesiæ promouendum, non mediocrem subsidium, & Patriæ stabilendam fortunam, firmissimam basim putando. Non ego hic oratione exprimere, sed nec quisquam mente concipere potest, cum quāto applausu exceptus fueris, & quā hilaritate animi, ab omnibus Ciuibus Patriæ, facilè enim poterāt ex viuis documentis cognoscere, qualis Patriæ futurus esses Senator, qualis religionis propugnator, quā proficius Ecclesiæ

clesiæ & literarum propagator. Noluit ergo Tuam in-
dolem intra domesticos lares Diuina prouidentia latitare: e-
uexit in lucem Patriæ, & in conspectum Ciuium eduxit. Se-
renif: Regis SIGISMVNDI Tertij Regalibus officijs obe-
undis commendauit. Vbi, tanquam in Theatro, Tuis virtuti-
bus patuit locus benè merendi de Ecclesia & Rep: vnde lu-
men gloriosarum actionum tuarum, & dignitatis splendor,
non solum intra patrios terminos, sed extra regnum ad ipsas
quoq; gentes a nobis disitas penetraret. In Aula quot labores
susceperis, quàm studiosè fas & æquum propagaueris, quam
fidem in promouenda vera libertate & legibus probaueris.
Aduertit in Te, Illustrif: Domine, dexteritatem in agendo vi-
dit in rebus perspiciendis solertiam, perspexit in causis diudi-
candis iudicium maturum & fidem, Magnus ille vir prudenti-
â & iudicio ANDREAS LIPSKI Supremus olim Regni Câ-
cellarius, Episcopus Cracouiensis, de quo ob conseruandam
iustitiam & patrocinium clientum, nunquam moritura fa-
ma conticescet. Propterea non solum animum & affectum
tantus Heros ad Te conuertit sed etiam non irritam suam o-
peram in Tuis virtutibus ornandis prædixit. Hic itaq; Anti-
stes cùm in grauioribus officijs Tuos egregios conatus, & se-
dulitatem cognouisset, dignum Te maiorum meritis, & ma-
gna famæ celebritate, ad maiora & grauiora amplitudinis
munera Te promouere non destitit. Non subito in Clarissimâ
Te lucem erumpere voluit, sed sensim honorificum iter ad
publicos honores tibi parauit. Laboribus merita, meritis vir-
tutes, virtutibus gloriam, tantum decus & splendorem auge-
re voluit. Perspecta hac tua virtute Serenif: SIGISMVN-

Deus Tertius, cum omnes admirarentur Tuum indefessum
studium, in hac Tua ætate, & infractum animum, Secretarium
magnum fecit, & tanquam arbitrum, magnæ experientiæ vi-
rum, intimum à suis consilijs esse voluit. Quod tanti momen-
ti semper hoc munus & excellentiæ fuit, vt si fides Platoni o-
mnis honestatis & disciplinæ præceptor habenda est, cui se-
creta eidem & libertas committebatur: quo munere ita fi-
deliter, modeste, vsus es in Tuo officio, vt non priuato, sed
communi bono videbaris viuere, omnes affabilitate morum
& comitate obstringebas, omnia promptè & fideliter mu-
nia obibas, cum laude & approbatione multorum. Talem
te omnibus probasti, qualem te bonitas naturæ, qualem ge-
nius diuinus, qualem humanitas, & summa prudentia rerum
gerendarum efformauit. Tantus honor, tam honorificus, nul-
lum in te fastum excitauit, non auxit contemptum aliorum,
sed moderationem animi, & non fucatam placabilitatem;
non solum in ciues summi ordinis, verum etiam infimæ con-
ditionis homines in Te ordinauit. Oportebat maiori præ-
mio hos virtutum progressus condecorare, non erant desti-
tuti, nec orbatī suis eminentijs. Nam Referendarij munus &
Abbatia, non ineximiæ dignitates & officia meritoria, tibi sūt
oblata, in quibus gerendis, quid Deo, quid Reipub: quid Ec-
clesiæ debeas, in mente tua & animo tacitus voluebas. Hoc
vnicum spectabas. Nam cuius concredita aliorum salus tu-
telæ, in eius humeris publicam pacem, communes fortunas,
sacram religionem, libertatem auream, in graui discrimine
periculi omnia seruanda confedisse putabas. Non tibi quic-
quam iucundū euenire poterat, quod à publica cogitatione
in cuius

in cuius ceruicibus tanta moles incumbibat retorquere securum valeret. Non te somnus, non lectus ad quietem datus, non edulia opipara saporibus condita, à publica negotij sollicitudine auocabat: sed solus in laboribus, vt alijs otiosis, solus curis onustus, vt alijs quietis, solus semper in metu & trepidatione viuebas, vt omnibus tuæ fidei & potestati commissis tranquillè & pacatè viuere liceret. Postquam verò Tua egregia munia cum laude & honore semper ornares, tandem velut luminare fulgentissimum in candelabrum Ecclesiæ beneficio Regis clementissimi, & autoritate Summi Pontificis expositus fuisti in Episcopatum Culmensē: vbi in conspectu Ciuium etiam Ecclesiæ Dei aduersantium, doctrinā, pietate, religione prælucebas; multos à temeritate Tuo consilio, à furore lenitate animi, à pertinaciā, Tua promptitudine auocāsti, in obedientia sanctæ Ecclesiæ homines duræ ceruicis retinuisti, & ad omne genus virtutum, sanctimoniā, Tuo exemplo prouocasti, Hæreticos in tenebris errantes, ad ouile Christi, in lucem veritatis reduxisti. Non aliter, ac si Numa Pompilius, efferatum populum, assuetum bellis & rapinis, ad modestiorem vitam, & cultum Diuinum, pijs orationibus, efficaci consilio, excitāsti. Non aliter, ac si Iosue populum dilectum Dei, per loca periculis plena, monstris & venenatis serpentibus infecta duxisti: illam gentem prauis opinionibus imbutam, ad Ecclesiam Dei, vbi gratia & spes vitæ æternæ, vbi certa salus & merces pretiosa, Christi fidelium. Quo in officio, non rigidum supercilium, non tetricam frontem, non vultum contractum, sed comitatem iucundam conuersationem, cum omni veneratione & amore sui grex tuæ pote-

stati commissus experiebatur tanquam Pastoris vigilantissimi, & Patris indulgentissimi, qui eius vitam, libertatem, ornabas animi magnitudine, candore & sanctitate. Hoc vtiliter perpendebas quasi diuinitus incitamentum cordi immissum examinabas, vt illum qui peruersis dogmatibus à religione distractus, Pastorali officio tuereris, operam sollicitè impendebas, vt primo Cleri honestate, à præstigijs Hæreticis, ad veram doctrinam vagabundos per desertà impiorum ad Ecclesiam Christi reduceres. Hoc legibus sanciebas, hoc panis ordinabas, vt Clerus factis suis, ad odium non prouocaret illum populum, ob leuem etiam suspicionem inhonestæ notæ nomini Christiano offensum. Ne quasi Medusæ capita sese illi exhiberent, ad quorum cōspectum in varia monstra commutaretur, ne præberent scopulos ad quorum insultus non mediocriter allideretur. Quis igitur erit peregrinus, vel potius ignarus, qui non manifestissimè cognoscat, quos conatus, quos labores susceperis, quantam operam impenderis, in propaganda religione, in plantanda vinea & irriganda Verbo Dei. Perfungebaris officio Episcopi & exemplo Patris, vt non discreparet à sensu sanctiore Ecclesiæ, sed vnam fidem, vnum ritum, easdemq; leges, mores incorruptos seruaret. Et quidem Præsulis, cū eos pijs admonitionibus ab errorum tenebris, proponendo pericula, quibus circumseptus erat, nisi ad saniorē mentem reflexisset, ad lucem doctrinæ pertrahebas. Patris vero tanquam filios amore non seueritate, conuiuentiā non rigore, ad ouile Domini salutaribus medijs inuitabas, quandoq; etiam precibus, nonnunquam seueris comminationibus incitabas. Talium cum
laudabi-

laudabilium operum lumen, & religionis propagandæ per doctrinam, & animorum moderatricem eloquentiam splendor, non modò in Patria, sed per vniuersi orbis spatia corruscaret: Serenis: VLADISLAUS IV. REX dignum magnopere iudicauit, vt te Legationis publico cohonestaret officio, Missus fuisti ad Inuictissimum Cæsarem, tanquam Cyneas aliquis Thessalus disertissimus, Viennam, non ad vrbes munitissimas, arces fossis ac muris validissimis septas occupandas: Sed Serenissimo Regi Sponsam inuiolabili nexu Sacrosancti Matrimonij associandam; vbi animoso spiritu eloquentiæ ita animos omnium deuincebas, vt & voluntati Serenis: Regis repugnare & eloquentiæ Tuis viribus nemo resistere auderet. Sed ipse Inuictissimus Cæsar, totius Christianitatis defensor acerrimus, animo candido & sincero, affectu grato, firmissimum vinculum nunquam dissociabilis amicitiae cum Ciuibus Patriæ nostræ stabilendæ & conseruandæ censeret. Quid potentia eloquentiæ tuæ non effecit? nonne flexit animos? nonne multorum animos emoliit? vt quidquid ad immortalitatem est gloriosum, & Reip: fructuosum per Te tanquam propagatorem communis salutis, & Tuam eloquentiam, est constitutum. Inusitatae felicitatis argumentum sibi vendicent, alij ex bello & armis, quibus & gloriam sibi pepererunt immortalem, & publicam fortunam, per tot difficultates, per eluui- onem sanguinis & vitæ dispendia stabilierunt: Tu ARCHIPRÆSVL felicissimus, ad Diuorum vitam mihi accedere videris, cum non more ferarum, non viribus pro Patria decertasti corporis, sed animo aliorum animos vicisti. Non

cum summo apparatu armabas militem ad prælium; sed rationes instruebas, quibus citò confecisti, vt Reip: negotium aternum firmares Poloniae. Quod potest firmitus retinaculum vrbium Regnorum dari, quàm matrimonium Regum & Principum, quod si in Regnis tolleretur, perpaucis annis vniuersam Profapiam illorum, satis Illustrem & amplam, interire necesse est. Nouerat hoc optimè Rex Persarum Xerxes, omni genere diuitiarum & hominum multitudine abundantissimus, cùm ex edito loco ingentem numerum hominum intueretur, lachrimas continere non potuit, quòd ex tantis hominum millibus, post annos sexaginta, nullus omnino superfuturus esset. Cur quod ille de suis copijs intellexerit, non etiam de Regum & Principum familia dicendum est. Sublato illorum connubio, quis Princeps bellicosus? quis Imperator aut Rex in suo imperio supererit? quæ pacis ornamenta, quæ tranquillitatis amœnitas, cum ex societate coniugali Cives Ciuibus, Regna regnis diuturna necessitudine coniunguntur, & infensis atq; inimicis animis reconciliantur. Testantur Annales de Iulio Cæsare, & Cn. Pompeio quorū affinitas quamdiu viguit in tuto portu quiescebant res Romanæ, & ipsa amplitudo imperij sub tutela & Patrocinio benignioris fortunæ floruit, durissima quæq; bella ad pacem & concordiam redacta fuere. Tu, ARCHIPRÆSVL, vt tanta utilitas Regno Polono, ex connubio Regali vnà cùm incolumitate Regum, & prospera fortuna perrennaret, Tua facundia effecisti. Tu consilio prudentissimo, ne Regnum hoc amplissimum, orbatum tanta utilitate, per affinitates, Ma-

tes, Matrimonij potentius reddere prouidisti. Tu rationibus, luce meridiana clarioribus, tantum pignus genere Serenissimum, fortuna amplissimum, religione sanctissimū, Ciuibus afflictis in solatium dari, tanquam facundus Vlysses, qui oratione ad fortunam præsentem accommodata sermonis vi, & dicendi firmâ potentiâ persuasisti. Conspicuum videbaris Viennæ, Vrbe religionis, sapientiæ & virtutum quasi omnium Emporio, Episcopali Tiâra insignis, stipulatorum frequenti satellitio populis admirabilis fuisti. Ex Tua autoritate & amplitudine grauissima, cū omnia ad voluntatem tuam & arbitrium prospere fluerent; tamē non solum ex splendido & magnifico rerum, sed ex verborum apparatu, bene agendi felicitatem omnes sunt admirati. Et cum omnia munificentia, vrbantate, & dexterritate consequi potuisses, id oratione gratissima, persuasione blanda præstare gloriosius arbitratus es, si non auri splendore & gemmarum pretio, quàm orationis æstimatione animos populi vincere. Comparauit tibi aditum non fortuna sed virtus, ad Reip: tantum munus, dignitate primum, ex maioribus Tuis clarissimis in candido pectore insita, quæ creuit non solum ex Marte bellorum effectore, non solum ex Ioue consilij Præsidente, non solum ex Pallade pacis & armorum sociâ: verumetiam ex Calliope, quæ Te impensè veneratur, perpetua honorum comes ad tantum fastigium euexit, vt æstum popularem, turbulenta consilia, seditiones perniciosas, pacata suadella lenires & componeres. Non dicitur hic quicquam ad ostentationem & assentationem, ARCHIPRÆSVL Amplissime, quin

res illustres & graues multò strictiùs & exiliùs sentio à me
enumerari, quàm splendori & dignitati illarum conueni-
at. Expressa & luculenta est in Te ornando, prædicando,
omnium Ciuum, Sacerdotum, omnium Senatorum volū-
tas: cum pro Te mirifico studio, votis ardentissimis apud
Diuinam clementiam laborant, Tuorum laborum cursus
ætatis magnopere commendando. Facile enim cogno-
scunt Te summâ cum vigilantia Pastoris in Ecclesia Dei
personam gerere, maiestatem tanti officij honorifice susti-
nere. Veniunt in spem certiore & expectationem, o-
mnes neruos, conatus, tuæ dexteritatis eo te collocatu-
rum vt oppressos calamitate releuare à potentiorum in-
iuria defendere debeas, hoc vnicum te constituturum pu-
tant, vt ne æquitatem iniquitas, consilia temeritas, rati-
onem furor, pudorem impudicitia, religionem superstitio
euertere ac profligare contendat, vt quorum innocentiam
vel immunitates legum alienus impetus oppugna-
re intendit, animose Te infracturum illum sciunt, & au-
daciæ sceleri, legum autoritatem, innocentiae portum, ac
perfugium ostentaturum pollicentur: Quamobrem cum
Te fortuna Tua magnum producere volebat, & virtus in
propagando publico bono illustrare, vt tandem serena lux
& amænissima honoris Tui exoriretur. Ingredere in hanc
Archidiæcesim felicibus auspiciis, quæ intra sedes te cum sū-
mâ animorum alacritate recipere, & in animis suis recon-
dere, ex nimio lætitiæ affectu cupit. Excipiunt te vniuersi Se-
natores palam, Equestris ordo acerrimè, cætus Sacerdo-
tum gratissimè, & in Tuo exoptato & iucundo aduentu
frequent-

ne
ni-
o,
lū-
ud
us
o-
dei
ti-
o-
cu-
n-
u-
ti-
io
ti-
aa-
u-
ac
m
in
ux
nc
stū-
on-
Se-
do-
ntu
en-
requentissima celebritate lætantur, & impensè congra-
ulantur, vt in Tua Archiepiscopâ in quam faustè, prospe-
rè, feliciter succedis, quæ tibi contigit cælesti ordinatione
præsis felicissime, autoritate, Sanctimoniâ, his omnibus,
qui Tuæ fidei & pietati sunt commissi. Tandem plenus
ob Tua præclara merita in Patriam, & incredibilem pie-
tatem in Deum, amplissimis honorum præmijs perfun-
ctus, honorifico laborum Tuorum officio, in illa sanctis-
sima virtutum Tuarum statione, & pro Patriâ &
pro pietate, cum laude actæ vitæ, immorta-
lem consequaris mercedem

D I X I.



TO THE HONORABLE SENATE OF THE
COMMONS OF GREAT BRITAIN
IN PARLIAMENT ASSEMBLED
THE PETITION OF THE
MAYOR, ALDERMEN, AND
CITIZENS OF THE CITY OF
LONDON, SHUNTING
THEIR HUMBLE PETITION
THAT THEY MAY BE
HEARD IN PREMISES
AND THAT THEY MAY
OBTAIN SUCH REDRESS
AND REMEDY AS YOUR
HONORS SHALL THINK
FIT TO GRANT







